

Vuk'uzenzele

Produced by: Government Communication & Information System (GCIS)

English/Siswati

Ingci 2019 Lushicilelo 2




GBVF's lifelong effects on children
Page 5

Banyana Banyana inspires future soccer stars
Page 16

JOBS INSIDE:

Dr Nndanganeni explores the galaxy



■ Dr Rendani Nndanganeni loves researching the impact of radiation on aviation.

More Matshediso

Nearly 10 years of tertiary study and a passion for physical science earned Dr Rendani Nndanganeni (33) her dream job as a space science researcher at the South African National Space Agency (SANSA).

SANSA is a government agency that reports to the Department of Science and Technology, and is part of the worldwide network of space weather centres and magnetic observatories. It plays an important part in monitoring the near-Earth space environment.

In simple terms, the agency works mainly with satellites.

After completing matric in rural Limpopo, Dr Nndanganeni's decade of tertiary

• Cont. on Page 2



ALSO AVAILABLE ON:



@VukuzenzeleNews

Vuk'uzenzele

National Orders nomination information inside.



FREE COPY NOT FOR SALE

Imiphumela ye-GBVF lemibi imphilo yonkhe kubantwana

I-GBVF INGABA NEMPHUMELA lomubi kakhulu kutemphilo yemntwana yekwemtimba, kukhula nekutfutuka kwakhe.



Allison Cooper

Bantwana labakhu-
la ekhaya lelinebu-
dlova lobumiselwe
kubulili nekubulawa kwa-
labasikati (i-GBVF) bava-
misa kuhlala bete litsemba.
Loku kushiwo nguDkt.
Dudu Ngubeni, dokotela lo-
yingcweti lesebenta ngeku-
khula kwebantwana weLi-
tiko Letemphilo laseGauteng,
locinisekise kutsi tonkhe ti-
nhlobo te-GBVF tikwephula
emalungelo ebantwana.

I-GBVF isho budlova lobu-
condziswe kubantfu noma
emacembu latsite, ngenca
yebulili babo lobehlukile.
“I-GBVF iyinkinga lenkhulu
emhlabeni wonkhe futsi eNi-
ngizimu Afrika izezingeni
lelitfusa kakhulu,” kwasho
Dkt. Ngubeni.

“Ake ucabange nje kutsi
kudlwengulwa nekulimata
ngekwemtimba kwentani
kubantwana. Kwengeta
ekulimaleni ngekwemtimba
nekwemiva nekwengcondvo
kwesikhatsi lesidze loku-
ngaholela ekutibulaleni,
kuphindze futsi kube kho-
na tinkinga tetenhlobo, sici
sekungatsandzeki nekukhi-
shwa inyumbatana,” kwasho
yena.

Imiphumela yalomphelo

Imiphumela ye-GBVF
kubantwana iyehlukana
ngekuya kwetintfo letinyenti
letehlukene, njengesimo,
emahlandla ekwenteka kanye
nekujula kwekhulukunye-
twa. Letinye tintfo letibangela
kulimala emoyeni emndenini
njengebatali labanesifo seku-
ngaphili kahle engcondvweni

noma tinkinga tekusetjenti-
swa budlabha kwetidzakami-
va tingenta imiphumela ibe
mibi kakhulu.

I-GBVF ingaba yekwemlo-
mo, kwemtimba, ngekwem-
temacansi nangekwengcon-
dvo. “Bantwana basengoti-
ni lenkhulu kakhulu yetinki-
nga temiva nekutiphatsa
ngendlela letsite, ngekungabi
nendzaba yekutsi kwahluku-
nyentwa bona ngco noma
kwahlukunyetwa umuntfu
losihlobo sabo,” kwasho Dkt.
Ngubeni.

“Kuliciniso lelitiwa jikelele
kutsi emadvodza, etikhatsini
letinyenti ngawo lanemagu-
nya nalawula bomake ne-
bantwana, futsi loko avamise
kukwenta ngebudlova. I-GB-
VF incisha bantwana litfuba
lekukhulela endzaweni
letawubenta bakwati kuveta
emandla nemakhono abo
ngalokuphelele. Bangaba
butfuntfu ekuvisweni bu-
hlungu nasekuhluphekeni
futsi bangafundza kubuka
kusetjentswa kwebudlova
njengetindlela letifanele
tekuzuzwa tinhloso tabo,”
washo engeta.

Bantwana labancane la-
babona noma labahlangabe-
tana ne-GBVF bangakho-
mbisa kuphaphuleka noma
kwesaba lokukhulu; kushona
phasi kwemoya; kungasija-
buleli sikolwa, bangani, na-
noma ngutphi letinye tintfo
lebebatijabulela phambilini;
kungalali kahle, lokufaka
ekhatsi kuba nemaphupho
lamabi ebusuku noma kuti-
chamela uma balele; kukhula
kwelizinga lekususa lutfutfu-
va; intfukutselo noma tingu-
cuko tendlela labadla ngayo.

Bantwana labadzala
batsintseka ngetindlela
letehlukene. Bafana bangayi-
bonisa ngaphandle indlela
labativa ngayo ngekutsi babe
nelutfutfuva; basombulule
tinkinga ngebudlova; noma
banatse tjwala babuye futsi
basebentise netidzakamiva
kute kutsi babalekele loko
labahlangabetene nako loku-
dzabukisako kanye netinkhu-
mbulo letibaphatamisako.

Emantfombatana wona ava-
misa kukufukamela kukha-
tsateka kwawo. Angavele nje
atikhiphe inyumbatana, abe
neluvalo noma umoya wawo
ube phasi; angadli kahle noma
atilimate ngekutsi atisike
noma anatse tjwala noma
asebentise tidzakamiva.

Etehlakalweni letinyenti,

**“I-GBVF incisha
bantwana
litfuba
lekukhulela
endzaweni
letawubenta
bakwati kuveta
emakhono abo
ngalokuphelele.”**

umphumela we-GBVF
kubantwana uba wesikhatsi
lesidze ngemuva kweku-
hlukubetwa kona ngekwako.
Njengebantfu labadzala, la-
bantwana laba kungenteka
kutsi nabo batsandzane ne-
bantfu lababahlukubetako na-
labanebudlova. “Lucwaningo
lukhombisa kutsi bantwana
labahlangabetene ne-GBVF
kungenteka bakhule bakho-

lelwa kutsi ngekwemvelo
bantfu emmangweni kanye
nendlela labaphilisa ngayo
abalingani. Babese-ke se-
bakha simo lesivuna i-GBVF,”
kwachaza yena Dkt. Ngubeni.

Bantwana kungenteka babe ngubabhebhetseli be-GBVF

Siliziwe Mbambo, sonhla-
lakahle wetekuvikela ba-
ntwana wase-Saartjie Baa-
rtman Centre for Women
and Children (i-SBCWC),
uyavuma. “Ekuhambeni
kwemphilo, lomntwana ku-
ngenteka abe ngumbhe-
bhetseli we-GBVF noma u-
msebentisi wetidzakamiva,”
kwasho yena.

I-SBCWC ibukana nema-
cala lamasha e-GBVF onkhe
malanga. “Bantwana
labanyenti batsintfwa yi-
GBVF bona ngco noma bati
umuntfu losihlobo sabo
lohlukunyetwako, loko-ke
kubabeka engotini lenkhu-
lu. Lesikhungo sesiphindze
satfola linani lelikhuphukile
lebantfu labadzinga lusito
lwaso futsi i-GBVF nguyo-
nantfo leyimbangela lehamba
embili,” kwasho Mbambo.

Kulesinye sehlakalo, lomun-
ye umntwana bekasesi-
menisekufuna kutibulalange-
nca yekweswela kutsandvwa
nekunakwa batali. “Batali
bakhe bebahlala njalo balwa
futsi batfukana embi kwe-
bantwana. Ngenca yaloko,
lomntwana wabese ulahle-
kelwa yinkhabunkhabu
yakhe yekutsandza sikolwa
nemaphupho akhe elikusasa,”
kwasho Mbambo.

Bantwana bayavamisa
kufundza tintfo letentiwa

ngulabanye bantfu. Bafana
bafundza kubobabe babo
kutsi bente budlova kuboma-
make. Emantfombatana
wona afundza kubomake
babo kutsi budlova buyintfo
leyetayelekile futsi labafanele
kutsi baphile nayo. Nanoma
kunjalo, akusibo bonkhe
bantwana labafuta batali
babo. Linyenti labo liyetama
kutsi lingaliphindzi lelo phu-
tsa lelentiwa batali babo.

Bantwana nelusha lolukhu-
la ngephansi kwesimo
lesine-GBVF bafanele kutsi
bahlolwe yingcweti lecece-
shiwe, yetifo tengcondvo
letawuncuma kwelashwa
lokufanele kwetinkinga temi-
va nekutiphatsa. Kwelashwa
kungafaka ekhatsi kwela-
shwa kwengcondvo, kuletinye
tehlakalo, umutsi ungasita.
Umtali noma umnakekeli
longahlukumeti naye uya-
kudzinga kwesekelwa. **V**

**Mayelana nekutfola
lwatiso lolubanti
noma kutfolo lusito
lwebantwana
labatsintfwa yi-GBVF,
shayela lucingo
lwamahhala lwe-GBVF
Command Centre ku:
0800 428 428 nome
ucele sonhlalakahle
kutsi akutsintse ngekutsi
ushaye: *120*7867#
kumakhalekhikhini
wakho.
Ungaphindze futsi
ushaye lucingo lwe-Stop
Gender Violence Helpline
ku: 0800 150 150 noma
i-SBCWC ku:
021 633 5287.**